

近代中國史料叢刊第六十六輯

沈雲龍主編

樂齋漫筆

(附：李培生編：桂系據粵之由來及其經過)

岑春煊著

文海出版社
有限公司印行

吏治信賞罰乃克有濟。上垂詢當時將領。對以僅一蕞士成能戰。若輩輔鮮雖曾立功西陲有重名。然不諳新法教練。且屬寒難御不可恃。又陳今日時局。請以紙虎爲喻。德宗廟容。詢其說。對曰。中國積弱。本非一日。但以外貌臞然。各國不測深淺。未敢輕視。正如轉紙爲虎。雖不能掉噬。尙可藉綬形以嚇百獸。此次膠州之役。德人勞師遠襲。後繼甚艱。我若以強硬對付。一面聯絡與國。捉撈抵抗。未必不可取勝。乃一受恫喝。即將海口割讓。各國見此。孰不欣欣效尤。假令紛紛繼起。又將何以應之。譬如紙虎被揭。威嚴盡失。誰復有所畏懼。以後外交將步步困難矣。退朝後。以所言猶未曲盡。復上封事。條陳時政。畧謂賞罰者朝廷大權。今皇上徒有其名。而不得操其權。以近事言之。如湘撫吳大澂。喪師辱國。敗不能死。朝廷不加嚴譴。東撫李秉衡。公忠廉直。祇以內無奧援。遂因教案罷斥。不再錄用。是非不明。賞罰不當。至於如此。將何以作士氣而振紀綱。皆樞臣誤國。蒙蔽聖明之罪也。疏奏自以語多訐直。慮觸忌諱。而是時德宗親政。方銳意有爲。思拔用強直果敢之臣。不數日即有簡任廣東布政使之命。符例京曹外用者。大抵實任三品卿方能簡授藩司。余以銷假請安尙未收缺人員。即被特簡。實異數也。

戊戌四月。陞辭赴粵。德宗面諭。廣東土匪甚熾。到任後宜設法剿辦。余對此係督臣專政。兩司到省。須加委營務處。方能過問。上云。兩司有奏事之權。對曰。雖有此制。向少實行。因奏事即忤督撫。往往不安於位故也。上曰。爾此去可傳旨譴誅。速行清除盜匪。彼若不從。即摺實奏聞。朕與爾作主。又諭。聞該督年老不能辦事。爾抵粵後可察看奏知。並謂時局艱難。爾所條陳。頗中窺要。以後如有意見。儘可隨時陳奏。余遂皆辭出。即行赴任。時廣東有道員王某。素爲譚督所信任。頗多不法。商民無不受其魚肉。有因索詐而斃命者。懼其氣燄。皆噤不敢言。余到後。始有來控者。廉得其實。即詳請撤去該員各項要差。嚴行查辦。譚督不從。余乃先撤其補抽廠坐辦。翌日復選集司道同寅。謂譚請併撤其督署文案。議論抵觸。譚愧且怒。遽拍案詬督。目鏡墮石棹立碎。勢張甚。余亦拍案曰。藩司爲朝廷大員。所督乃公事。即有不可。總督不應無禮至此。既不相容。奏參可也。擲冠案上。拂衣而去。回署即請病假。譚亦自縊。即令果運兩司來衙遞詞謝過。會未幾余奉召入都陞見。譚得電旨。立委臬司署理藩篆。余以漏夜備交代。南番兩縣商民聞之。不期而集者數千人。各負薪米油鹽至藩署大堂。堵塞不聽行。更欲分隊至督署爲難。余亟出反覆勸導。至相對泣下。

樂齋漫筆

樂齋漫筆爲西林岑雲階制府晚年自定之稿本刊展轉借鈔亟付鉛藪

余以菲材薄植。幼稟庭訓。忝竊微名。三十爲郎。四十開府。值海內多故。戎馬生郊。南北馳驅。露瀝寒處。迨共和告成。方謂息肩有日。不意大盜移國。宵人執政。十載之內。義旗再興。卒蕩鯨鯢。廓清氛霧。歲次己未。乃克退隱淞濱。杜門養病。閱世既久。老境日增。回憶四十年來。備經艱險。往往死生成敗。繫於一髮。而屬有天幸。轉復易危爲安。今雖事過境遷。偶與賓僚故人。追譚舊事。恍然猶在目前。兒子輩恐久而漸忘。遂從闕軼也。屢請筆之於書。余皆不許。每觀前輩遺著。若歸田錄。涑水紀聞。邵氏聞見錄。以迄明清諸公筆記。雖體裁不同。要皆各有懷抱。而當時朝章國故。野乘秘聞。爲官書所不詳者。乃得藉資保存。供執筆之參考。其價值豈止囿於小說家言。與虞初九百等量齊觀而已。嗟夫。以余之志事無成。分甘衰謝。曾何敢仰望昔人於萬一。願以世食清祿。遭遇危亂。誠思勉竭微薄。稍酬知遇。庶不墜先人遺烈。異於沒世無聞。泯然與草木同朽。故自委質策名。即慨然以師法諸賢爲己任。其間關心國事。犯難忘身。發逆謀於十年以前。不幸而盡驗於鼎革之際。嗚呼。言之痛矣。夫世變無窮。既爲昔賢所未歷。則委曲因應之宜。亦非他人所共喻。不有敘述。曷由闡明真相。爰以林居暇晷。涉筆偶書。舉凡家世舊聞。中朝掌故。觸緒有得。拉雜並存。一以身親涉歷關係重要者爲斷。其於有清末葉人材邪正之分。政治得失之故。皆據事直書。無稍隱諱。知我罪我。非所容心。付兒輩錄而藏之。亦藉存是非之公云爾。

庚午二月七月初度桐堂老人書。

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



樂齋漫筆

樂齋漫筆爲西林岑雲階制府晚年自定之稿本刊展轉借鈔亟付鉛釅

余以菲材薄植。幼稟庭訓。忝竊微名。三十爲郎。四十開府。值海內多故。戎馬生郊。南北馳驅。露瀝寒處。迨共和告成。方謂息肩有日。不意大盜移國。宵人執政。十載之內。義旗再興。卒蕩鯨鯢。廓清氛霧。歲次己未。乃克退隱淞濱。杜門養病。閱世既久。老境日增。回憶四十年來。備經艱險。往往死生成敗。繫於一髮。而屬有天幸。轉復易危爲安。今雖事過境遷。偶與賓僚故人。追譚舊事。恍然猶在目前。兒子輩恐久而漸忘。遂從闕軼也。屢請筆之於書。余皆不許。每觀前輩遺著。若歸田錄。涑水紀聞。邵氏聞見錄。以迄明清諸公筆記。雖體裁不同。要皆各有懷抱。而當時朝章國故。野乘秘聞。爲官書所不詳者。乃得藉資保存。供執筆之參考。其價值豈止囿於小說家言。與虞初九百等量齊觀而已。嗟夫。以余之志事無成。分甘衰謝。曾何敢仰望昔人於萬一。願以世食清祿。遭遇危亂。誠思勉竭微薄。稍酬知遇。庶不墜先人道烈。異於沒世無聞。泯然與草木同朽。故自委質策名。即慨然以師法諸賢爲己任。其間關心國事。犯難忘身。發逆謀於十年以前。不幸而盡驗於鼎革之際。嗚呼。言之痛矣。夫世變無窮。既爲昔賢所未歷。則委曲因應之宜。亦非他人所共喻。不有敘述。曷由闡明真相。爰以林居暇晷。涉筆偶書。舉凡家世舊聞。中朝掌故。觸緒有得。拉雜並存。一以身親涉歷關係重要者爲斷。其於有清末葉人材邪正之分。政治得失之故。皆據事直書。無稍隱諱。知我罪我。非所容心。付兒輩錄而藏之。亦藉存是非之公云爾。

庚午二月七月初度桐堂老人書。

臣。實延於世。而余自愧行能無似。空竭愚忠。不能爲國家有所補益。遺念若思先澤。不禁涕泗橫流耳。

甲午歲中東事起。吾國陸軍敗於平壤。海軍燬於大東溝。北洋兵力盡失。廷議乃以劉忠誠（坤一）爲欽差大臣。節制關內外各軍。劉公受命後。通邇未行。余以國事日急。而大臣畏葸不前。發憤自請効力前敵。疏上。一日李高陽相國鴻藻招余至邸中。密談軍事。詢以外間所聞。因言樞府於兵事情形。僅恃文報。苦難得其真相。欲遣一精明勇敢之員。親赴關外視察。寄以耳目。願責任重大。難得其人。吾夙知君。將門之後。忠義許國。擬以茲事相屬。肯爲一行否。余首世受國恩。久思自効。儻蒙駑策。正戮力報國之秋也。遂定行計。鄭重而別。次日即有旨交劉坤一差遣委用。余往見。劉意頗以余爲好事。乃歷舉關外從軍苦況相告。余答以國事方急。何敢畏苦。遂於詰朝陛辭。上召見溫諭有加。且令傳諭劉坤一。迅速啓程。退至軍機處見恭忠親王。亦詳詢欽差相待情形。余述劉公所甘。恭邸不怡。立差侍衛往告欽差云。岑某係上命隨往。宜委以要任。其後劉公語人曰。不知岑某何由受知。君相皆預視如此。然以是益不相容。山東告急。有旨令劉派兵往援。劉遂奏派李占春陳鳳樓丁槐等二十五營。前赴山東救援。烟台總理營務得人。余乃自請於劉。即奏派往。甫抵德州。李檄調陳軍馬隊五營出關。至萊州。又調李軍十五營以去。備餘丁槐五營。隨余駐紮黃縣。東撫李秉衡知兵力單薄。奏准募足二十營。即在黃縣布置防務。開掘地營。守禦之具粗完。流亡漸歸復業。人民食餉早有此等防軍。吾輩何必離鄉遠去。日人已探知此路有備。不易進兵。即令烟台。以全力猛攻營口。劉軍危急。連請飭余率丁軍赴援。李撫又奏留此軍防營。既而有旨。令余統率所部赴津候諭。未行間。已知李相鴻章赴日議和。兩軍停戰。余知事將結束。乃留丁槐辦理營務。自請回京就階。

條約既成。余於憂勞之餘。舊疾復作。遂請開缺回籍。將終老林泉。不作出山之想矣。歲丁酉。七弟春蔭秋闈獲售。明年余送之入都赴禮部試。抵都日。適聞德兵強佔膠州灣。政府已被迫簽字。益感國事日非。決意憤然南還。會爲業師李慈園尙書喘案所知。遣人召往。告以舊例京堂到京。即須官門請安。況大弟子弟。尤不可忽。恐弟或未知。致涉不敬。已代備安摺。今夜過牌子。明日當至炳房候起。我保值日。可於彼處相見也。余臨道命。是日銷病假請安者。尙有滿尙書貴恆。叫起單下。余編蒙召見。奏對時。力陳國勢貼危。非發憤自強。不能圖存。欲求自強。必先興學練兵。請

吏治信賞罰乃克有濟。上垂詢當時將領。對以僅一蕞士成能戰。若輩輔鮮雖曾立功西陲有重名。然不諳新法教練。且屬寒難御不可恃。又陳今日時局。請以紙虎爲喻。德宗廟容。詢其說。對曰。中國積弱。本非一日。但以外貌雖然。各國不測深淺。未敢輕視。正如轉紙爲虎。雖不能掉噬。尙可藉綬形以嚇百獸。此次膠州之役。德人勞師遠襲。後繼甚艱。我若以強硬對付。一面聯絡與國。捉撈抵抗。未必不可取勝。乃一受恫喝。即將海口割讓。各國見此。孰不欣欣效尤。假令紛紛繼起。又將何以應之。譬如紙虎被揭。威嚴盡失。誰復有所畏懼。以後外交將步步困難矣。退朝後。以所言猶未曲盡。復上封事。條陳時政。畧謂賞罰者朝廷大權。今皇上徒有其名。而不得操其權。以近事言之。如湘撫吳大澂。喪師辱國。敗不能死。朝廷不加嚴譴。東撫李秉衡。公忠廉直。祇以內無奧援。遂因教案罷斥。不再錄用。是非不明。賞罰不當。至於如此。將何以作士氣而振紀綱。皆樞臣誤國。蒙蔽聖明之罪也。疏奏自以語多訐直。慮觸忌諱。而是時德宗親政。方銳意有爲。思拔用強直果敢之臣。不數日即有簡任廣東布政使之命。符例京曹外用者。大抵實任三品卿方能簡授藩司。余以銷假請安尙未收缺人員。即被特簡。實異數也。

戊戌四月。陞辭赴粵。德宗面諭。廣東土匪甚熾。到任後宜設法剿辦。余對此係督臣專政。兩司到省。須加委營務處。方能過問。上云。兩司有奏事之權。對曰。雖有此制。向少實行。因奏事即忤督撫。往往不安於位故也。上曰。爾此去可傳旨譴誅。速行清除盜匪。彼若不從。即摺實奏聞。朕與爾作主。又諭。聞該督年老不能辦事。爾抵粵後可察看奏知。並謂時局艱難。爾所條陳。頗中窺要。以後如有意見。儘可隨時陳奏。余遂皆辭出。即行赴任。時廣東有道員王某。素爲譚督所信任。頗多不法。商民無不受其魚肉。有因索詐而斃命者。懼其氣燄。皆噤不敢言。余到後。始有來控者。廉得其實。即詳請撤去該員各項要差。嚴行查辦。譚督不從。余乃先撤其補抽廠坐辦。翌日復選集司道同寅。謂譚請併撤其督署文案。議論抵觸。譚愧且怒。遽拍案詬督。目鏡墮石棹立碎。勢張甚。余亦拍案曰。藩司爲朝廷大員。所督乃公事。即有不可。總督不應無禮至此。既不相容。奏參可也。擲冠案上。拂衣而去。回署即請病假。譚亦自縊。即令果運兩司來衙遞詞謝過。會未幾余奉召入都陞見。譚得電旨。立委臬司署理藩篆。余以漏夜備交代。南番兩縣商民聞之。不期而集者數千人。各負薪米油鹽至藩署大堂。堵塞不聽行。更欲分隊至督署爲難。余亟出反覆勸導。至相對泣下。

久之始漸散去。所留薪米之屬。爲付善堂。乃得輕裝馳去。譚嘗知余錄王某控詞全案以行。知入劾日必面陳其事。亟鞫金入都。阻余北上。果奉調補甘肅勿庸來京請訓之諭。余時方行抵武漢也。遂自鄂入甘。到任後終以譚王營私舞弊事具疏劾奏。有旨查辦。譚因罷歸。王亦革職。此案以藩司劾罷督臣。爲有清備見之事也。

在甘肅任半載。即有庚子拳匪之亂。八國聯兵。京師危急。余聞之。亟言於總督魏光燾。願率兵星夜勤王。魏意不欲余行。以餉細兵單爲辭。余曰。本署庫中。除正項外。尙存外銷款一百三十餘萬。請以三十萬供兵餉。調馬隊十營。即日可行。若總督故斬其事。本司有權自能出奏。從此辭矣。即起立欲行。魏見狀知不可阻。遽離座遮留曰。且共商行計。余曰。事勢至此。豈容安坐細商。以甘省距京遼遠如是。馬隊盡力奔馳。尙恐不及。步兵更不必論。本司之意。現在倉卒召集。又須選擇精騎。萬一十營之數。猶不能足。惟有先率在省馬隊二旅同行。一面請公迅調大兵。隨後趨往。魏云。辦事固應如此。但京師軍備。除榮相所部武衛軍外。尙有董福祥宋慶馬玉崑諸人。步騎合併。實力甚厚。目前必無他虞。何爭此數日停留。不謀萬全之計。余曰。誠知京師禁旅尙多。無假區區羸卒。但此次以一敵八。各國盡銳而來。理直氣壯。即使兵力倍增。亦難抵禦。所以亟亟前往者。實以大義所在。祇求結局得一死所。無負家聲而已。成敗利鈍。非所計也。遂守候魏督立發電奏。時所調兩旅。尙未齊集。因留將領隨後開拔。先率衛隊數十人。自蘭州省城。取道草地北行。此道並非官馬大道。行人絕少。係一片沙漠。土人游牧之地有水草處。始見有寥寥數家。家中床鋪俱無。往往行百餘里方有人家。足見人烟稀少。實由於沙漠之地難於生活。幸當日自備乾糧。復帶蒸水機器。始免於厄。惟水雖過蒸機。氣味仍惡劣。且必須土人引路。到一處換一次引路之人。方能前進。真苦矣。然志仍不少減。晝夜疾馳。故得於二十八日即抵都門。入覲之日。兩宮獎諭備至。因垂詢都城防務。即奏曰。臣到京之日。留心察看。京師內外。均未見守禦之具。惟城門有義和團看守而已。兩宮聞之。頗覺驚愕。余請速飭於城外相地掘紮地營。及各種守具。以限敵騎。爲救急之策。余退出後。隨召軍機大臣入見。命即趕速籌備。旋由軍機處約往商議。欲以余幫辦李秉衡軍務。余答非有自練之兵。難以効命疆場。議遂罷。次日。有旨命赴察哈爾招募營勇。辦理防務。未行間又奉督辦軍務處王大臣傳旨。令先在京城外掘紮地營。蓋即在東便門外。擇地興工。事方草創。通州已陷。潰兵紛如潮湧。沿途搶掠。都城大

亂。兩宮會卒西幸。余得信後。亟率所部。奔走訪求。迎謁於南口途次。相對痛哭。未即起居。知兩宮昨夜出都。至今尚未進膳。因出外覓食。而鎮中人民逃亡殆盡。百方搜求。僅得民家所煮小米粥。以土碗盛進。太后見之復哭。竟不能食。命以奉帝。帝強啜兩口。亦難下咽。遂行。是日宿金道。先是居民聞訊。已預謀逃竄。余鑒於南口之事。馳往再三曉諭。始不盡逃。肆中米麥皆具。惟無菜蔬。所賴以佐餐者。祇雞及雞子耳。余於兩宮上下駝駟時。均跪迎道左。見太后御藍布衫。以紅棉帶約髮。帝御舊葛紗袍。當盛暑流汗。臂背黏膩。蠅蚋群集。手自揮斥。從行官監。皆徒步奔走。履穿履破。血流帶露。竊歎前史所述。人君出亡苦況。千載相同。不謂平日見於紀載者。今乃身親觀之。雖蕪荏豆粥。蜀道艱難。視此無復有加。然古稱多難興邦。殷憂啓聖。果使兩宮鑑此閱歷。不忘在莒。亟謀改良政治。發憤自強。則剝復之幾。未必不兆於此。余於途次召見。曾迭次敷陳此意。亦頗蒙改容納受。無如回鑾之後。事過境遷。玩忽因循。轉增壅蔽。馴至人心盡去。而事不可為矣。

當兩宮會卒西幸。京師王公近臣。強半不知。其能追隨扈從者。僅端莊兩王。及瀾公等數人而已。太后雖在深宮。困苦中尙刻意以興復爲念。一日諸人於召對之際。太后忽顧問。此恥如何可雪。衆未有應者。余獨進曰。欲雪此恥。要在自強。自強之道。首須培植人材。學校者。人材所由出也。故必自廣興教育始。然此事俟局面稍定。方能顧及。目前尙有絕大危機。即在肘腋之下。臣職司扈從。不敢不言。必須速籌良策。消弭此患。緣現距太原。路程尙遠。而前敵潰兵。每日與乘輿參雜同行。沿途所經鎮市。皆先爲此輩搶劫。聖駕未到。居民已逃避一空。即如在途道時。非臣預往開導。早經完全散去。即粗糲飲食亦恐未能覓得。若不從速申明紀律。嚴禁騷擾。則此去路無烟火。太原何由可到。況此等皆亡命之徒。任其逼近乘輿。萬一稍涉不遜。實可寒心。臣所謂危機。即在於此。今欲辦理此事。擬先出示安民。禁止掠奪。及強行買賣。如有不遵。即正法數人。以示懲戒。使潰兵逃勇。知擾攘之中。尙有軍法可畏。不敢肆行無忌。藉以挽回危險而靖人心。但臣所部衛兵。僅有此數。若因衆寡懸殊。激成事變。又恐轉難收拾。臣躊躇再三。以關係重大。不得不請旨運行。太后曰。事已至此。非照汝辦法。更無善策。汝可放膽做去。盡人事以聽天命可也。是日起程。欽覓肩輿進。竟不能得。乃以軍中所携藤轎。供太后乘坐。皇上仍御駝駟。余見皇上自携一包裹。不類衣服。詢之

隨得太監。乃知上於前夜宿清真寺時。得草席一具布地。以灰布椅披包箕帚各一作枕。即寢臥其上。恐前途無此。故手舉以行云。噫。辛勤亦至矣。余既受命。整飭軍紀。策馬隨乘輿左右。途中潰兵益夥。有持鎗追逐太后輿前者。叱之不止。反舉鎗對余開放。乘其一擊不中。急拔刀斬於御前。宣示有衆。不違約束者以此爲例。衆始肅然知畏。由是沿途安靖。無敢放肆者。非冒險一試。前途殆難言矣。是夕抵懷來縣。即駐蹕縣署。知縣吳永呈進衣物。及梳洗之具。太后始親御膏沐。於時征塵稍息。危塗漸遠。兩宮以跋涉之餘。從行諸人。皆宜休憩。即留懷來二日。慶親王突勛。軍機大臣王文韶剛毅。皆自京師追及行在。內監總管李連英亦至。次晨奏上諭。余蒙賞頒品頂戴。督辦糧台。未幾即有重振專務之請。次年遂特簡尙書張百熙主其事。朝廷於避狄不遑之時。獨舉學以興學育才爲先務。誠屬規模遠大。而兩宮臥薪嘗膽。亟求自強雪恥之志。此時亦爲最切矣。

自潰兵正法後。綱紀頓肅。道路無阻。沿途州縣。供給亦皆豐贖。而隨從太監輩。狃於舊習。漸復驕橫。遂有勒索賄賂。擅取進御物品。毆打差役等事。爲太后所聞。立命捕獲不法內監。交余詢問罪狀。斬首示衆。又有旗兵搶奪民食。鎗傷失主。余亦摺實劾奏。奉旨梟示。由是左右貴幸。及八旗人等。皆含怒側目。詭譎日起。余雖明知。一不之顧。抵大同日。官吏旗兵。來者益衆。氣燄益張。一日晨興。忽奉召見。余趨入時。太后方於郡圃花間。倚闌獨坐。四面皆無一人。余見之驚駭。行至御前下跪。太后驟問。汝在外有所聞否。對曰。國事有慶親王突勛及李鴻章在京議和。餘無所聞。若係臣個人。或因辦事過於認真。難免招怨。乞太后明訓。太后諭云。汝辦事甚好。現在方脫危險。又有人出來說閒話。我恐汝聞之。不敢做事。故喚汝來告知。仍宜不避勞怨。放膽做去。若有入與汝爲難。汝可請起面奏。我即替汝作主。此次初出都時。一人均不伴我。非在南口遇見汝。恐俄都餓死。現在稍平靜。彼等又來說閒話。使辦事人寒心。實屬可惡。余叩首謝恩。奏曰。臣由甘肅起身時。卽以身許國。請太后勿慮。臣竭盡心力。以奉兩宮。賊赴湯蹈火。亦所不辭。何況區區勞怨。而有退避。臣一片愚心。祇求兩宮平安。得一駐蹕之地。國事早有轉機。發憤圖強。於願方足。不過知識淺短。多有不到之處。求太后隨時訓示。以免過失。太后云。如此甚好。汝宜勉之。自此次宣諭後。群噪始漸息矣。嗟乎。余以牧圉小臣。孤軍遠至。當中外危疑之際。處詭譎繁興之時。宿衛空虛。前塗懸遠。仔肩之重。萃於

一身。而近習小人。更加以多方媒孽。使余稍存瞻顧長縮之心。則負責無人。大局將不堪設想。然當時亦祇知奮勇直前。更不知有所謂危險在後者。日久回思。始覺有餘悸云。

兩宮抵太原時。本思在彼久駐。以和議尙無端倪。聯軍復揚言西進。遂決意入秦。行近潼關。余蒙恩補授陝西巡撫。慮從抵西安後。適值山陝兩省旱災甚重。奏請籌辦賑捐。督率僚屬。實心任事。有鳳翔縣知縣吳復元。辦賑舞弊。查明後立即奏劾。提省嚴辦。由是官吏莫敢不勸。全活甚衆。振務方有頭緒。而聯軍已侵入山西邊境。朝議皇皇。謀調兵東出抵禦。余請見兩宮。力言山陝大災之後。萬不能再開戰釁。宜速電慶李設法阻止。一面令晉撫錫良。趕緊結束教案。勿令外人藉口進兵。舍此別無辦法。余退下即召詢軍機大臣。時朝貴方思擠余遠出。遂言非岑某不能當此重任。太后遲迴久之。始允調余山西巡撫。旨下入內謝恩。太后大哭曰。好容易汝保我母子到此。稍得安甯。又令汝到危險地去。我實於心不安。無如軍機大臣等。均說山西關係重要。若辦理不善。則此地亦難久住。我實無法。祇好累汝一行。余對曰。臣受國厚恩。雖粉身碎骨。亦難報稱。此去固然危險。若蒙太后皇上。聽臣愚計。准如所奏辦理。或可轉危爲安。太后曰。有何妙計。速行奏聞。即奏請照臣昨日所陳。決計不開戰釁。駐紮山西之將領。統歸臣節制。有不聽命者。立即奏參。准將領中。如宋慶馬玉崑二人。資格最老。臣係新進。恐難節制。請今日即以軍旨調兩人之兵。移紮河南省。太后曰。山西僅此四十餘營駐防。若再調開。豈不空虛。余對既決不開釁。何用多兵。設二人在彼。或不聽命。與聯軍一有衝突。戰禍即開。難於收拾矣。太后首肯。又奏曰。臣到山西。應辦之事甚多。首以完結教案爲重。外人生者撫卹。死者埋葬。並速派委員。向聯軍迎頭交涉。阻止前進。山西庶可保全。凡此諸事。非錢不濟。臣自管理糧台。日夜督催各省解款。現已積存三百六十餘萬。擬請特旨准臣帶銀一百萬前往。因山西並無絲毫存款。當錫良辦理皇差時。尙在巨糧台奏撥三十萬兩。方能集事。現在災荒之後。其窘可知。若無現銀携往。必至一事不能舉辦。太后云。汝所奏。皆切要之言。亟應照准。糧台存款。既有如此之多。汝祇請百萬。未免太少。即多撥數十萬。亦無不可。至汝所慮。恐行後有人與汝爲難。曠我誤事。汝下去即可具摺上來。經我批准。彼等何能叢混。余受命叩首謝恩退出。遂至軍機處。將本日召對與兩宮面訂計劃告知。諸相無言。惟傳傳霖謂糧台存款。止有三百六十餘萬。此地大兵雲集。加以災荒

之後。區區二百數十萬。何能敷用。余言事必先其所急。洋兵此次深入。即以錫撫閣置教案不辦爲藉口。實則錫撫何嘗不欲速辦。無如山西貧困至此。令其從何辦起。今事已危迫。若不火急籌款完結此事。爲謝過止兵之計。又以何術了之。似此不顧大局。一味與人爲難。真是糊塗。我今入內奏請。改派汝去。盡將三百六十餘萬交汝。敢去否。鹿受此面詰。嚙不能答。榮相起身向余謝過云。不必動怒。兩宮已面許照辦。彼何能立異。此款我決不少你分毫。且到任後。樞廷亦斷不掣爾之肘。請放心回署。料理啓程可也。余既得榮相此語。知樞府不至爲難。乃趕辦交卸。陞辭日。太后以余所部。護衛行宮。兩旗頗得力。恐余將携之赴晉。首以爲問。余對。此兩旗馬隊。宿衛已久。諸事已熟。臣仍留在宮門外守護。已囑小心當差。勿稍疏懈。太后喜曰。如此甚好。汝到山西。儘管照所定計劃辦理。一切有我作主。當即叩謝而出。率領所部。兼程赴晉。

山西東路要隘凡二。俱有重兵宿將駐紮。以防聯軍攻入。曰娘子關。方有并守之。曰固關。劉光才守之。余於行前。電令兩軍同時撤退。方有升奉電即行。劉光才則稱有印文方敢遵辦。其說亦自有理。余即電請錫撫派員送印。相遇於平陽。是日受印視事。再電劉光才。限三日內撤畢。因聯軍已近兩關。設有衝突。即難收拾也。一面派員責印文往晤聯軍首領。交步阻止。不意固關劉軍。尙有小部分未去。德兵已到。即開鎗攻擊。劉部一箇抵禦一面退却。至夜九時始全部退盡。德兵入關佔領。嗚砲致賀。而忘將砲內子彈取出。直向娘子關射去。命中關門。是時娘子關已由法兵駐守。黑夜不察。誤謂我軍反攻。遽還砲相擊。德軍又誤爲我軍從娘子關進襲也。亦開火對敵。兩軍鏖戰。死傷甚衆。黎明後。彼此望見旗幟。始知誤會。即停戰問訊。已僱尸滿野。皆德法兩國士兵也。正悔恨間。我所派往之委員亦至。向其兵官。說明地方荒旱。人民謀食維艱。我國慶親王李傅相已奉命在京議和。現屬停戰期內。望勿前進。以免驚擾人民。妨害大局。且聯軍西來。糧秣全無。亦非行軍之利。今新任岑巡撫特遣使者備師。望即止戰撤兵。庶人心安定。教案得以早結。實中外之幸。彼軍兵官答稱。我輩聞錫巡撫不理教案。故至內地察看。今貴巡撫新到。已注意此事。且派員前來。具知厚意。既係內地荒旱。人民困苦。我等即從此回京。請向貴邊撫致謝可也。遂全軍撤退。車運死傷洋兵而去。余時已抵太原。即督飭清理教案。計全省外僑。爲前撫毓賢被害者。主教三人。教士男女共一百三十餘人。晉國教民死者亦

萬有餘人。凡耗去賠償及埋葬撫卹之費四百餘萬兩。其中耶穌教賠款五十萬兩。由李提摩太暨各教士主持。捐充西山太學堂開辦經費。此爲中國創辦大學之始。而出教案賠款捐助。良可嘆也。余在晉省一年。下車承擾亂之後。繼以旱災。人民流離。十室九空。爲之內撫凋殘。外籌卹賑。僚友亦皆盡力贊助。得以幸免傾越。明年辛丑和議告成。兩宮自西安行在回鑾。余迎謁於正定途次。蒙恩召見。獎諭有加。併賞穿黃馬褂。賜紫禁城騎馬。命應驛入都。始回山西本任焉。

二十八年五月二十八日。余蒙恩調補廣東巡撫。隨請交卸晉篆後。入京陛見。硃批允。未及成行。而四川拳匪餘孽及哥老會匪。各處蠢起。總督奎俊。飛章告急。廷旨以余署理川督。促赴新任。當即兼程入蜀。時壬寅八月也。抵成都日。奎督已携印出城相待。交代即行。時匪徒盤踞城外山頭。烽火在望。賊勢甚張。而城中偵局闌秋試。士子群衆。詭言繁興。官民皆謂。余若遲至三日。蜀亂必成。至是人心稍定。余乃慰撫居民。令勿驚擾。一面派衛隊馳剿城外之匪。圍攻山頭賊棚。自辰至午。斬獲無算。賊皆四面崩潰。即日肅清。余以蜀中會匪。根株素深。由團紳糧戶通匪者多。相與容匿隱蔽。地方官又皆疲玩畏葸。任其勾結囑聚而不過問。以致釀成此次亂事。幾爲川楚教匪之續。非亟謀治其本原。難期持久。遂遴派委員。密查通匪紳董。有責任把總團紳劉某。爲附近省城之首領。住居中興場。距省三十餘里。其傍即舞陰壯侯墓也。余假祭掃爲名。一日携衛隊數十騎至其地。瞻謁之後。試呼左近居人。劉某亦至。畧詢數語。即叱騎縛以歸署。於時鄉民環跪爲之所哀者甚衆。旣復追隨入城。群衆不散。余悉置不理。惟嚴訊劉某以通匪罪狀。一皆首服。立斬階下。懸其首於轅門。處分方畢。忽聞爆竹大作。繼以衆口嘩聲。則適間爲劉某乞哀請人也。旋舉鄉老數人入署叩頭言曰。聞井苦斯人久矣。知其伏法。喜而相慶。因說前時該匪。亦曾被捕。衆謂此害可除。方稱賀未終。彼已釋出。則痛腎鄉人不爲請保。益肆其毒。由是恨之雖切。不敢不來請求。懼其再出致釁也。今幸蒙肅清巨惡。地方有安枕之日矣。余乃詳舉此案始末。通飭各屬。如有此類劣紳。皆殺無赦。令旣下。聞省欣然。不肖團紳。皆遠避以去。匪衆無主。大半解散。復刊發布告以靖人心。略謂會匪結集。干犯憲典。固屬法無可恕。但細察其中。亦有起於地方官吏辦理民教案件。不能持平。往往袒教民而壓平戶。以致激成事變。此後凡遇訴訟。於呈詞中。不准聲叙孰爲教

民。顯分畛域。治獄者亦祇以曲直爲斷。不許別有愛憎。儻或故犯此條。意涉偏袒。一經上控有據。定行揭參云云。自布告發出。官民皆知遵守。未及數月。民敢相安。閭閻無事。不知者。尙以爲兵威鎮懾。故能致此。實則僅以公平之心。力行除暴安良四字而已。

是年元配劉夫人。於湖北旅次病故。長子德固殉焉。初德固以振捐移獎得主事。於辛丑補行庚子科中式舉人。即奉母入都會試。行至武昌。劉夫人忽病。寔不起。德固痛母情切。毀傷滅性。經兩湖總督張公之詞。奏請旌表。雖一節之行。亦蒙恩獎。而余以老懷當此。情何以堪。由是疾患侵尋。筋力銳減。加之勞心國事。無暇養息。後來種種衰象。皆起於此時矣。

川事方定。而廣西匪亂日熾。朝廷吁食南顧。二十九年三月奉旨調署兩廣總督。督辦廣西軍務。有清一代以桂人官本省督臣者。僅陳文恭公安謀一人而已。余乃禮隨鄉先達之後。深懼才力不勝。上負委寄。而下無以慰梓里期望之心耳。桂省亂事潛伏日久。本由提督蘇元春。納賄中朝。盡以兵餉充苞苴之用。兵既無餉。則任其通匪行劫。嗣至兵匪不分。全省騷動。地方官所獲搶犯。往往由提督索賄縱釋。故敢放胆橫行。官吏轉而受賄包庇。當時有五匪之目。謂官匪神匪兵匪民匪土匪也。聚此五匪。遂成全匪世界。余抵任後。審察地方情形。勢如亂絲。真有不能下手之概。乃其詳詳細細。明桂省致亂之由。必須從根本施治。先將貪婪不職縱匪成患之撫臣王之春。提督蘇元春。劾奏褫職。一面調集得力軍隊。定四路包圍剿撫兼施之計。一面選用賢員。整飭吏治。爲正本清源之圖。務使民得安居。紳知自愛。官吏以廉潔爲重。一革往時丑惡透乘之弊。然後補精銳之師。取烏合之寇。期以歲月。庶可集事。此余預定治桂方針。願以數十年積患所在。根蒂已深。勦多掣肘。三年勞苦。猶未克功。余以心力交瘁。百病叢生。尤以下血之症。虧耗元氣最甚。多方調治。迄未除根。而目覩時局日非。私憂竊歎。鬱結莫解。亦爲致病原因之一云。

余嘗師西征。駐紮梧州。凡事均與廣西巡撫會銜出奏。時王之春已去。繼任者爲柯濟時。美備不知兵。而動輒與余爲難。方寇熾時。深居桂林。擁兵自衛。架砲於大堂。遠近傳爲笑談。所屬江西道員汪瑞麟。任五營統領。專留護衛撫衙。余患省外賊多兵少。欲令率以出戰。堅執不許。因思柯固不足與言。汪素以知兵自詡。千里遠來。或不甘伏處。若矣

其醉後試激勸之。冀能奮發一行。乃於公晏時。頻相勸酬。注向稱豪飲。至是遽醉。余未及有言。彼已嘔吐狼藉。倒載而歸。柯即指余爲軍中醜酒。強沃屬員致醉不能與。列奏相劾。有旨令余自行回奏。因稟述柯撫積不相能飾詞排擠之狀。朝廷亦知其不勝邊寄。未幾遂以李經羲代之。

余既定包圍之策。調用將士。明示賞罰。拔龍濟光陸榮廷於偏裨卒伍之中。皆成名將。有總兵張得貴者。以失律將斬。余親訊之。奇其胆略。乃釋縛再令統兵出戰。大有斬獲。遂奏保復官。由是人思自見。屢破悍賊。有四十八喇及十萬大山。皆賊之老巢也。林營深密。徑路錯雜。賊皆猛升鼠伏。瞬息上下。有急則四面逃逸。倏忽聚散。自明韓襄毅雍之後。官軍罕有至者。匪衆逃竄於此。且有防禦建築。議者以爲難於攻克。余督諸軍。廣設方略。躬冒瘴暑。竟於甲辰乙巳間。次第蕩平。辦理善後將畢。而降賊陸亞發復糾衆叛於柳州。余再督龍陸兩軍追剿。擒亞發獻於行營。余親蒞監斬。傳首遠近。於是大小股匪。悉數殄夷。廣西全省軍務。始告肅清。奏入。余蒙恩賞太子少保。諸將士亦分別保獎。至是撤銷梧州行營。蓋首尾凡三年矣。

廣西號稱瘠苦。向爲受協省分。軍事所需。多半仰給於粵省。粵固財賦之區。然自譚鍾麟以來。大小官吏。率以貪黷著聞。公私侵漁。度支久竭。余初到日。盡逐此輩。講舍一空。乃奏調馮嘉錫朱祖蔭總理財政。務從節省。涓滴歸公。未嘗有所科歛。而事無廢闕。西征三載。報銷不過三百餘萬。聞者詫以爲異。先是各省舊習。庫存外銷之款。多爲督撫挪用。甚至濫及公項。視其人權力如何。無能與抗。昔李文忠在北洋。積存歷年洋商所繳購買船械回扣。達數百萬。文忠去北洋日。移交後任。袁世凱據而有之。肆意揮霍。得以獻媚官廷。固結黨援。以己度人。謂余亦當如是。嘗語其私人某曰。君等但知與西林爲難。而不密要索所在。何能制人死命。某請其說。世凱微哂曰。在報銷耳。余交卸粵後。果嗾使監理財政官。搜剔舊卷。求西征報銷過失。詎知出入款目。雖極微之數。無不詳具用途。悉有藩司印文爲憑。搜求者一無所獲。廢然而止。在余當時爲此種種手續。夫豈預知有人將致憾於我而鄭重周防若是其謹耶。實以公事之常於法應爾耶。初非有所矯強而然。獨憐彼昏不知。徒爲庸人之自擾。亦適見其心勞日拙也。

余於戊戌歲。開藩粵東。難債七十日而去。然於察吏安民理財禁暴。分所當爲之事。未嘗一刻去懷。粵省本多寶之

鄉。官吏有求。俯拾即是。以故賄賂公行。毫不爲異。其間最以貪名者。當推王某與某二人爲巨擘。余在任時。備知之。方欲依法嚴懲以謝粵人。會忽忽交代。僅劾罷王。未遑治製也。及癸卯再蒞兩廣。裴猶官南海縣知縣如故。而其惡益稔。願心計獨深。工於舞弊。凡所受納。皆無跡可尋。狡獪殆尤有過於他人。余特疏劾其聲名狼藉。請革職看管。出示招告。裴平日能以小惠結民心。竟無人發其罪惡。乃自願罰鍰助餉。冀免久禁。繳款未足。輒伺隙逃入澳門。賄荷蘭人爲之護符。抗不歸案。余以外人庇及刑事罪犯。侵我國權。斷難隱忍。乃派員乘兵艦至澳門守緝。迭經據理力爭。幾至決裂。而卒獲引渡。遂治以應得之罪。奏請充發新疆。即日押解啓程。該犯至是無可逃免。始離粵以去。一時人心大快。即海外民黨報紙。亦同聲稱道。足徵此事爲國人所共許。迄今粵中有言及王裴者。猶深惡其爲人也。又有粵人陳景華者。以選士官廣西知縣。歷署繁缺。頗負能吏之名。而貪殘嗜殺。酷逾乳虎。嘗於除夕乘輿提審監犯。一時盡誅之。謂之洗監。平日所濫殺不知紀極。自發亡命數十。於四鄉殺人越貨。而誣以爲盜。民間畏之。道路以目。雖自來屠伯之稱。亦無其酷。余於東省聞其慘毒之狀。密奏革職拿辦。已捕得拘於平樂縣爲其死黨中夜奪取以去。遂入越南。費於土酋。辛亥革命後。復歸粵。任地方要職。不改所爲。終以殺身。蓋虎狼之性。已既噬人。亦必爲人所殺。尙恨誅之不早。使粵人久蒙其患也。

粵海關監督尙爲膏腴之地。承平時恆爲滿人所據。積弊日甚。部定徵額每年五百萬兩。歷任監督。均由內務府奏派。一年一更。旗員視爲利藪。所派之員。每年解部額均在叁百萬左右。無一人能解足。余奉命監督。即令奏調之馮嘉錫朱祖蔭兩人。充該關提調。認真整理。是年即徵收得陸百陸拾萬兩。奏明以伍百捌拾萬兩解部。留捌拾萬兩充本省經費。奏入即奉命裁除內府派員。以後即歸總督監督。並查獲舞弊侵蝕之庫書周榮曜。侵蝕公帑。積資數百萬。與官紳往還。儼然世祿。嘗誦鍾麟督粵詩。王某倚勢相結。得其重賂。榮曜亦持有護符。隱其黨國利商之罪。益自驕縱。遂納賄京朝。廣通聲氣。得慶親王突劾之援。簡任出使比國大臣。尙未出洋。余發其姦罪。奏請革職查抄。凡積年贖款。達數百萬之多。以一簿書小吏。而擁資至此。並得濫竊名器。貽笑友邦。果誰尸其咎歟。其後余於召見時。面劾慶親王突劾納賂賈官。即舉此爲證。太后爲之愾然有愧色。遂不能更旨。然海關宿弊。至此廓清矣。

朝廷自經庚子之變。知內憂外患。相迫日急。非僅塗飾耳目。所能支此危局。故於西狩途中。首以雪耻自強爲詞。余曾力陳興教育明賞罰諸大端。辛丑回鑾以後。即陸續舉辦各項新政。於時袁世凱竊得北洋。方務內結親貴。外樹黨援。以遂彼竊國之謀。藉口於新政。凡各省文武要職。無不遍布私人。爲之羽翼。獨心思兩廣隱爲梗阻。久思排而去之。顧未能也。粵亂既平。兩宮稍釋南服之慮。適滇邊片馬交涉事起。乃得所藉口。移余總督雲貴。既奉朝旨。僚友皆以備武先公爲賀。亦有謂長塗跋涉。非病軀所宜者。余慨然曰。家世受恩。雖天南地北。何莫非報國之地。但此行實不由兩宮本意。特姦臣欲屏吾遠去。彼得任所欲爲。若頹首南行。聽彼驅遣。從此君門萬里。片辭不能上達。數年之後。逆謀既成。不可問矣。夫大臣與國家共安危。奉使出疆。有專命之義。今爲蔽明。亂機已兆。不能出奇計以挽頹日。非丈夫也。遂疏陳病狀。乞假就醫上海。以圖後息。時丙午九月間事也。余既與袁逆抗。又居滬上四遠之地。憂時碩彥。亦有就而共謀匡時之難者。袁逆腹心遠布。余一舉一動。皆有偵探報告消息。而端方在兩江。復爲之推波助瀾焉。余嘗謂世凱夙成性。其行事固無足怪。獨有天潢貴胄。滿洲世僕。如奕劻端方諸人。身居顯要。自視國事岌岌。不能盡心匡扶。反與忠於清室者。務爲仇讐。必排斥無遺而後快。及清社已屋。彼輩又將置身何所。徒使闕外孤臣。竭忠無地。覽士衡辨亡之論。惟致歎於世運之末可如何而已。嗚呼。豈不重可太息哉。

余居滬上。積假自冬迄春。丁未正月十九日。奉旨調補四川總督。毋庸來京請訓。知仍出慶袁之策。念巴蜀道遠。此後親見無日。不於此際設法入都。造膝詳陳種種危迫情形。機會一失。追悔無窮。當以權宜行之。縱獲罪朝廷。亦期不負兩宮眷倚之意。乃於啓程赴任舟次武漢時。電請順道入覲。不俟俞旨。逕乘京漢車北上。抵京之日。即蒙兩宮召見。溫諭有加。並詳詢年來病況。命在京休息。以備續有召對。此行蓋出彼黨意料之外。故無由預爲阻格也。自是入對凡四次。太后語及時局日非。不覺淚下。余因奏言。近年親貴弄權。賄賂公行。以致中外效尤。紀綱掃地。皆由慶親王奕劻。貪庸誤國。引用非人。若不力圖刷新政治。重整紀綱。臣恐人心離散之日。雖欲勉強維持。亦將挽回無術矣。太后初聞此言。頗有怒容。云何至人心離散。汝有何證據。可詳細奏明。余對曰。天下事人同此心。心同此理。假如此間有兩御案。一好一壞。太后要好的。還是要壞的。太后言。當然要好的。余對曰。此即是人之心理。臣請問今日中國政治。是

好是壞。太后言。因不好辯改良。余曰。改良是真的還是假的。太后又現怒容曰。改良還有假的。此是河說。余對曰。太后固然真心改良政治。但以臣觀察。奉行之人。實有欺騙朝廷不能認真改良之據。請問太后記得在念道行宮時。蒙 筆詢此仇如何能報。臣當時曾奏云。報仇必須人才。培植人才。全在學校。旋蒙簡授張百熙為管學大臣。足見太后求才之切。惟此剝距回鑿已將七載。學校課本尚未審定齊全。其他更不必問。又前奉上諭。命各省均辦警察練新軍。詔旨一下。疆臣無不爭先舉辦。但創行新政。先須籌款。今日加稅。明日加釐。小民苦於搜括。怨聲載道。儼果真刷新政治。得財用於公家。百姓出錢。尚可原諒一二。現在不惟不能刷新。反較從前更加腐敗。從前實官濶缺。尙是小的。現在內而侍郎。外而督撫。皆可用錢買得。醜態四播。政以賄成。此臣所以說改良是假的。且太后亦知出洋學生有若干否。太后言。我聽說到東洋學生。已有七八千。西洋尙未詳悉。想必也有幾千。余對曰。以臣所聞。亦是如此。古人以士爲四民之首。因士心所尙。民皆從之也。此去不過數年。伊等皆畢業回國。回國後。眼見政治腐敗如此。彼輩必聲言改革。一個百和。處處與政府爲難。斯即人心離散之時。到此地步。臣愚實不敢言矣。不覺失聲痛哭。太后亦哭。言我久不聞汝言。政事竟敗壞至此。汝問皇上。現在召見臣工。不論大小。即知縣亦常召見。均賜以激發天良。認真辦事。萬不料全無感動。余對曰。大法方能小廉。慶親王突劾。食庸如此。身爲元輔。何能更責他人。太后云。汝說突劾食。有何證據。余對曰。納賄之事。惟恐不密。一予一受。豈肯以憑據示人。但曾記得臣在兩廣總督兼粵海關任內。查得新簡出使比國大臣周榮曜。係粵海關庫書。侵蝕洋藥項下公款二百餘萬兩。奏參革職拿辦。斯時突劾方管外務部。周犯係伊所保。非得賄而何。太后言。突劾太老實。是上人的當。余對。當國之人何等重要。豈可以上人之當自解。此人不。紀綱何由整飭。太后言。懿親中。多係少不更事。尙有何人。能勝此任。汝可保奏。余對。此乃皇太后皇上特簡之員。臣何敢妄保。此次蒙皇太后皇上垂詢時政。是以披肝瀝膽。不敢一毫隱瞞。惟啓程之時。因應奏之事極多。而牽涉突劾關係重大。不得不入京面陳。故特冒昧前來。今在京數日。尙覺所懷未盡。又須遠赴川省。臣不勝犬馬戀主之情。意欲留在都中爲皇太后皇上作一看家惡犬。未知上意如何。太后即云。汝言過重。我母子西巡時。若不得汝照料。恐將餓死。焉有今日。我久已將汝當親人看待。近年汝在外間所辦之事。他人辦不了。故未能叫汝來京。汝當知我此意。余對曰。臣豈

不知受恩深重。內外本無分別。惟譬如種樹。臣在外。係修勤枝葉。樹之根本。却在政府。黨根本之土。被人挖鬆。枝葉縱然修好。大風一起。根本推翻。樹倒枝存。有何益處。故臣謂根本重要之地。不可不留意也。太后云。汝所言極是。好在外邊現已安靖。我亦望你在京辦事。明日即可下旨。汝先下去。次日遂有補授郵傳部尚書之命。余既奉旨。尙未謝恩。先請見太后。面劾本部侍郎朱寶奎。以市井醜僧。工於鑽營。得辦滬甯鐵路。遂勾結外人。吞沒鉅款。因納賂樞府。得任今職。若該員在部。臣實羞與爲伍。太后曰。朱某既然不肖。可卽予罷斥。但據何罪狀以降諭旨。余對曰。可言係臣面奏。太后首肯。始謝恩退下。是日特旨褫寶奎職。都人士相驚告。詫爲異事。先是朝廷新設黑龍江巡撫一缺。簡任段芝貴署理。芝貴者乃北洋材官。袁世凱所親信也。爲納賄捐道員。執照未填。卽賄囑慶邸保署此缺。輿論譁然。言官交章彈劾。皆不能動。余以外議密奏。遂奉旨罷去。又御史趙啓霖。劾貝子載振獲譴。直聲震都下。爲慶袁所切齒。疑余陰主其事。日夜謀中傷。行百五十萬金於大公主。使伺間數爲太后言。曰。岑某所陳時政。意在力圖富強。其策未嘗不善。然實非一朝一夕所能辦到。卽如現在每日奏事。必有兩點餘鐘。太后春秋已高。何能受此辛勞。不如仍令在外坐鎮。以固國防。俾奕劻等從容整理政務。太后庶稍安逸。而國事亦可望治。是兩全之道也。太后既頻聞此言。內亦實有倦勤之意。由是銳氣盡消。專以敷衍爲事。甚且僅求目前之安。期於及身無變而已。不遑慮遠圖矣。此爲清室存亡第一關鍵。余蓋早經流涕陳詞。力請防禍未然。及時修政。顧阻於賊臣當路。運移消消。曾幾何時。燬焉以盡。余爲此言。誠知一姓興亡。已爲今日所不屑道。然國體雖更。而邪正是非之分。存於人心者。不能或泯也。彼爲蠹於清室。亦何肯効忠於民國。觀夫光宣之際。人才進退。治亂由來。其亦當世得失之林矣乎。

余在郵部。僅及兩旬。方草創之初。章則未定。事務紛繁。乃首發治事程期。每接見僚屬。皆以職務相勉。一改前政軍諸坐轍之習。又本部成立以來。官制猶未釐定。余參酌新舊。奏請頒布章程。定稿未上。會廣東急奏請兵。而慶袁之計行矣。先是欽州土彘劉思裕。聚衆劫掠。本粵中常事。袁世凱聞之。亟電粵督周馥。令張大其詞。太后鑒於桂匪前時擾亂。深以南服爲憂。謀帥於樞近。遂請以余再督兩廣。並促迅赴新任。余知前日所陳計畫。已盡敗於若輩。朝廷無復振作之意。江河日下。時事可知。斷非一己所能挽救。目覩衰危。憂煎情勞。不得已乃疏陳歷年病狀。懇予開缺調理。奉

旨慰勉。僅蒙賞假十日。仍促令前往。余雖乞退未能。亦知一出國門。朝天無日。乃於假期十日中。廣上封事。凡內政外交邊防禮制。並保薦當世人才。皆知無不言。惟恐有所未盡。蓋及此猶可進言之時。爲最後納忠之計。不忍有一毫自匿。以負我君父。人徒見封奏之勤。而不知字字皆血淚所成。其心苦矣。爾後雖時亦采納其言。如設禮學館。擢用新進。注意彙編等事。悉發端於此。然皆枝節爲之。於本源未能稍有更張。固徒然也。余以丁未五月二日出都。取道秦皇島泛海南下。從北洋調用新軍將領口中玉。率弁兵等五百餘人隨往。爲粵省改良軍政之模範。抵滬之明日。聞瞿相鴻禔得罪。知朝局大變。慶已盡去其偶。益無忌憚。余以邊帥孤立。不去何爲。歸隱之志遂決。乃先乞假一月。留滬就醫。遣散幕僚。命田中玉率所部北返。而假館滬東虹口居焉。是年夏。以舊患痔疾時發。有甌鄂醫某長於療治者。延之來滬。試其術頗感痛苦。盛夏汗喘。殆不能支。臥床月餘。僅而獲愈。仍未除根也。七月中病體稍蘇。念朝廷徵賞假而未允開缺。終不得去。君臣之義。苟可崎嶇以謀補救萬一者。雖知其難。亦必竭吾力以赴之。於是復謀南行。時世亂在北洋。見余底缺未開。主知猶固。亦恐一旦赴嶺。擴兩廣財賦之地。終不利於彼也。日謀所以陷余之計。知東朝平生最惡康梁師弟。乃陰使人求余小照。與康梁所攝。合印一幀。若共立相語然者。所立地則上海時報館前也。既成。密呈於孝欽。指爲暗通黨人圖亂之證。深宮不審其詐。既見攝影儼然。信之不疑。驚愕至於淚下。亟謀所以處置者。樞臣固請如瞿相之例。孝欽遲迴久之曰。岑某有庚子舊勞。毋令難堪。遂僅以久病未痊准其開缺調理。俾微臣得保始終。誠聖恩已。嗚呼。袁逆既以陰謀盜國。爲幻譎張。玩樞邸如童叟。鋤異己猶草芥。逞其毒螫。孰敢禦之。余以一介孤危。早陳大計。值孝欽倦勤之際。當群小競利之時。醉夢方酣。忠言莫省。以此獲罪。誠所甘心。然自是逆勢已成。無從挽救。辛亥事起。清祚遂終。使崇陵地下有知。得不追念前言。貽噬臍之悔乎。

余得賦遂初。亟思覓地休養。素愛西湖山水。乃挈眷寓居。日徜徉於六橋三竺間。而武林習舊。亦多樂與往還。頗得閒適之樂。是冬舌下偶患浮腫。召西醫藥刀。久而未愈。因至滬調理。歷半載始得告痊。由是復居上海。以便醫藥。世凱意猶不釋。蔡乃煌者。傾險人也。初官蜀中。值丁未歲。余將西上。乃煌在滬。邀來求見。余知其非佳士。峻拒之。遂負緣內調。爲世凱効奔走。得任蘇松太道。實使伺余過失。既無所得。則布散流言。僞造余手書。致浙撫增韜。勸舉

大事。所言狂悖。增知其詐。封以朕余。且頌首森人之節。乾嘉卒未得逞。會乃煌自以他罪亡命去。世凱群隊始息。當乃煌得勢時。氣燄矜張。發言狂謔。聞者皆爲不平。余惟澹然置之。不以經意。彼亦也。

戊申十月。余居上海時。兩宮同感不豫。徵醫甚急。都中舊友。多馳書勸北上叩安。余亦以夙蒙恩遇。人。已定期附輪啓行。而電傳哀詔。且有不許京外大臣奔喪之諭。始遲旨輟行。謹於私廬舉哀成服。追念隆極渥。庚子扈從微勞。復蒙兩宮親若家人。委以重寄。中間雖扼於姦讒。猶獲始終全護。今國事方艱。後主動時危。余王在側。孤臣泣血。報稱無由。哀痛之情。誠有非他人所能喻者矣。

宣統改元後。隨邸攝政。親貴擅權。雖能罷斥袁逆。而除惡不盡。任其黨羽。隙發動。洵滄諸人。交臂年知聚斂。吏殘於上。民怨於下。警備層火積薪。不可終日。危亡之勢。盡人所知。辛亥三月。先發難於廣州。民氣日盛。自盛宜懷黨郵部。而鐵路國有之議起。時朝廷方倚重宜懷以治財政。宜懷亦引爲己任。不顧人爭路風潮。方事急時。宜懷欲以兵力壓迫民衆。乃首於攝政王。特旨起余。馳往勸辦。時辛亥六月也。人懷。詢收買川路章程。復曰。朝廷命公勸辦亂民。不命公問收路事。無以章程爲也。余以其言不順。再電川人紛擾。實以收路不公爲詞。欲平其事。必先問政府辦法是否公允。果無負於川人。而仍不聽命。然後勸辦之。今是非未分。乃欲一切加以叛逆之罪。實以妄殺立威。竊所未喻。宜懷不謂余有此辯難。大拂其意。促余起程而已。余乃爲書以告論蜀中父老子弟。頗爲時所傳誦云。八月初旬。溯江西上。所謂廣東龍濟光將龍福保以五百人先至。率之行抵武昌。時總督瑞澂。論川事復相左。自知與中外大臣。意旨皆不合。決計先乞假回滬就醫。即獲俞旨。余方寓家弟楚階宅中。將以十九日回滬。前一夕而武漢事起。先是瑞澂獲蘇陸軍將士。將窮治其獄。衆遂譁變。是夕已聞瑞澂潛避。槍聲不絕。余仍安臥。至黎明出城買舟渡江。乘陰閱報。知民軍已舉黎元洪出任都督。革命由此告成矣。

余抵滬之日。已有旨補授川督。是時舊部久散。會卒無從召集。而各省紛紛起事。長江西上之路阻斷。乃復

旨不允。仍辭職勉爲其難。念國事至此。雖知無可挽回。但大義所在。不容返顧。則謀取消豫陝。轉戰入蜀。方電請籌撥款械。星夜啓程。上海擬送局。又爲民軍所占領。蘇杭相繼不守。余所關繫天才部下五百人在吳淞者。亦爲江浙聯軍隔絕。招攜以去。至是無寸土一卒。以爲憑藉。獨居租界。惟聞四方土崩瓦解。望風投順。自來民心離散。運宇喪失。殆從無如是之速者。蓋禍機早伏。一觸即發。民之離散久矣。余於丁未入皖時。曾爲孝欽痛切言之。無如銅甌既深。終不見聽。豈意當時奏對之言。今皆不幸而中。雖欲悔之。嗟何及矣。是時袁世凱出任組閣。發起和議。南北代表。群集於滬上。實則世凱手握強兵。直壓武漢。外挾民意。以制朝廷。使雙方皆受其指揮。而坐收漁人之利。計誠狡矣。然自下戍以後。政府久擁虛名。將士盡張。人心浮動。果使在上者。猶不俯順輿情。脫履尊位。則京師之禍。將不忍言。其急轉直下之勢。非至遜位詔出不可止也。且以數千年專制政體。一變而爲共和之國。猶復優待清室。不失尊榮。以視前朝易姓誅夷之慘。相去何止天淵。昔日委質爲臣者。今且與故君同爲國之公民。而區區効忠。百姓之狹義。皆當隨潮流以俱去。抑世界大勢之所趨耶。於是共和告成。改用陽歷紀歲。以明年爲中華民國元年云。

袁世凱既以權詐移國。竊取總統。漸謀分布兵力於各行省。以成統一之局。其時國民黨聲勢方盛。大江以南。財賦之地。多在其手。願屈於世凱。則時假約法。以裁制之。世凱積忿久。思一舉盡去之而後快。雙方皆持滿待發。值正式國會將開。互謀傾軋。世凱知民黨策畫。悉出宋教仁。乃以刺客狙擊。殺之於上海車站。由是黨人憤激。宣布種種證據。控總統殺人之罪於法庭。而南北戰禍。基於此矣。先是有蜀人朱希皇者。爲世凱入川之策。以余嘗有惠於彼。勸世凱強起余往撫定之。介章太炎諸君勸行。以共維大局爲請。余辭發疾不堪涉遠。方函電往復間。適蘇建同鄉會。及海軍將領。以閩垣爲警察總監彭壽嵩擁兵圍城。貪殘妄殺。群思逐之。請於世凱。欲強余先入閩。遂以宣慰使名義。敦促前往。余迫於衆情。不能固辭。惟退閒日久。無將軍可用。往江南借兵。約千五百人。率之以行。抵馬尾。閩人士來見者。競請以兵入城取壽嵩。夤諂之曰。取壽嵩非難事。但彼已據省垣。若以兵力往取。必殃及城人。諸君爲保存閩里計。當謀萬全之策。不如俟我在外以兵威揚聲銷禍。然後由君等酌籌小款。俾其携以潛逃。如此則兵不血刃。免人民塗炭之苦矣。衆如計行之。壽嵩果遁。省城得以保全。遂連籌清鄉善後諸事。全閩皆已安堵。復歸滬上。時世凱與黨人怨隙日深。

兵燹將啓。欲假余鎮撫兩方。以武漢地居上游。粵漢鐵路財賦所聚。將恃爲軍事根據。屬余主持其事。余已洞察世凱陰謀。欲先除民黨。以去其備。然後唯所欲爲也。念此賊不滅。國難終無已時。乃陽與結合。赴鄂一行。旋至上海。時黃克強陳英士諸君。皆來赴懇。乃聯合長江四都督。同時舉兵討袁。時則民國二年六月中旬也。世凱已先有備。其海軍將鄭汝成。率師駐上海製造局。英士督鈕君惕生。以松江學生軍及敢死隊往攻之。搏戰五晝夜。炮火劇烈。敵方恃海軍爲助不能克。而英領事復率英使朱爾典之命。陰左右之。同時皖贛等省。民軍亦多不利。遂與滬上之師。先後潰散。此爲第一次討袁軍之失敗。雖大義未申。而曲直有在。吾人奮闘精神。亦因之愈爲團結。卒獲最後勝利。則此日血戰之功。不可沒也。當是時。長江上下盡爲袁有。同志星散。余亦乘輪赴粵。猶思支柱南服。再圖大舉。而龍濟光已奉袁命率師由梧州東下。廣州亦不能守。復至香港。未有所適。會南洋華僑胡子春。電約往游。余即由港至彼。暫作寓公。以待時而動焉。

廣南洋三載。愛其土風淳樸。而氣候溫暖。尤於病軀爲宜。有久居之志焉。顧回視國中。紀綱日壞。民生日蹙。袁世凱志願既申。謂天下莫與爲敵。乃謀僭號稱帝。賄買各省劣紳。相率勸進。其下復共爲隱蔽。偽造上海報紙。競言群情歸附。符瑞間出。世凱遂謂天人交應。無復梗阻。即以民四之多。改元洪憲。於是人心憤激。不可遏止。蔡君松坡。首舉義旗於昆明。廣西都督陸榮廷。亦密謀繼起。誘致廣東入滇之師。困於桂境。急電相告。並派員會彥至南洋迎余歸國。主持大計。余迫於群情。遂力疾約同設之略君回滬。與溫宗堯梁啓超李愷源林虎揚永泰文群諸君相見。余即住於溫宗堯家。招待甚至。可感也。當是時雖有雲南起義。而餉械俱缺。難於持久。因之廣西亦未敢昌言討賊。余見逆勢猶盛。非有實力爲助。懼其功敗於垂成也。乃約同章士釗張耀曾一人。東渡日本。說其當局。共討袁逆。彼邦亦深惡世凱。謂余能討袁。必盡力相助。遂締結條約。以個人名義。借得日幣一百萬元。併兩師炮械。携之回國。西師始得東下。圍攻廣州。余亦盡赴肇慶。傳檄四方。申明約束。宣布宗旨。四方同志之士。雲集景從。共議於肇慶設軍務院。余被舉以都司令典共事。各路討袁之師皆屬焉。是爲護國討袁之役。諸軍既有所主。進取益銳。四川陝西相次獨立。廣州被圍日久。且夕且下。龍濟光亦遣使乞降。捕誅袁逆專使蔡乃煌爲信。袁逆知大局已敗。自請取消帝制。以冀援師。護國軍不

之許。憂懼發疾。以五月死於北京。或云仰藥自戕。莫能詳也。世凱已死。北方諸將。邀約法請副總統黎元洪攝位。而段祺瑞主軍政。遣使與南方議和。當是時。我軍已取道湖南出武昌。若能乘此軍聲。長驅北上。破竹之勢。何難直抵幽燕。則所謂北洋軍閥早已鱗除無餘。然後召集國人。共圖建設。庶幾乎奠邦其於永久。絕禍亂之根株。惜也。余雖反覆言之。而牽於衆情不一。各安小就。竟與段系諸人。忽促言和。致留此遺孽。貽後來無窮之患。迄今思之。猶爲扼腕。和局既成。諸軍皆散。余清釐經手各事。取消軍務院。還歸滬濱。上距癸丑討袁之役。已四歷寒暑矣。

方事之殷也。北庭恃英人之援。所在便利。我軍則舍日本而外。殆無可與語者。故交涉視爲重要。余之親至東瀛。往還皆以徵服。絕諄知者。彼邦警察。均以機敏著稱。余至之日。竟無識者。次晨訪其外部。見余突然而來。舉國爲之驚詫不已。至騰之報紙。傳爲異聞云。余詣以討袁。不止關係中國。實爲亞東除此巨患。日人亦深聽其說。故允與吾人合作。而有借款助械之事。余又以國權所在。凡交涉契約。皆以個人名義與之締結。均與歷來借款性質迥異。而卒收倒袁之效焉。

討逆軍事結束。余得潔身歸滬。自惟世情久澹。年力就衰。不欲再有所預。且余與世凱。非有毫髮私憾也。祇以昔前負清室。後叛民國。終且媚外自肥。舉吾華利權盡獻於強鄰之手。故於清季民初。明知以區區一身。當此大惑。綿力斷有不逮。然未肯稍示退避者。誠以義憤所激。不敢以死生強弱易斯志也。今幸而所願獲申。上可報先朝之知。下以慰四海之望。憂患餘年。萬緣俱盡。杜門養病。期與世相忘。如斯而已。顧猶有恨者。此次禍全國之力。僅克去一袁逆。而其餘孽滋蔓。仍踞北方。任其休養。經年又復蠢然思動。段祺瑞者。當袁逆盜國時。固嘗稍持異論。不見容於逆黨者也。世遂信其能反袁所爲。屬望甚至。一祺瑞貌若質直。實一傲狠庸妄之人。自其攝政以後。專任貪王。排斥異己。且迷信武力。欲以此成統一之業。所任王某徐某諸人。皆奸回貪佞。爲世所嫉。徐尤跋扈驕縱。助成祺瑞之惡。組織安福系。以金錢賄買國會議員。使爲之奔走羽翼。劫持當局。造成種種政治黑幕。其對於南方。雖日言和局。實則毫無誠意。而財政紊亂。尤爲自來所未有。一任群小侵蝕。不足則取給於外債。綜計六七年間。在彼組閣任內。共借至四億六千萬元以外。喪失國權。不可勝計。兵力既足。遽自謂一月之內。平定兩廣。盡其策畫。一方聲言山海道進兵。使南方注重正

面。而陰結龍濟光。使出瓊崖。直搗廣州。收犄角之助。是時龍軍以久困求中。若與北軍合勢。南方不能支矣。余雖謝事久。不能坐視其危而不救。乃慨然投袂而起。再賦南征。四方聞余既出。皆解驛來赴。舊國會諸員。不附祺瑞者。群聚於廣州。民黨諸人。暨川滇黔代表。亦皆踵至。共議設南方政府。舉七種裁同理庶政。余與其選。是爲西南護法之役。龍軍既出瓊崖。余以海軍急擊之。瓊軍盡潰。濟光脫身北去。廣州獲全。祺瑞動搖之心。亦少息矣。

自護法軍興。名義正大。西南一致景從。當世名流。多來參與。余以政府既立。當亟謀進取。早定北方。完護國一役。未竟之志。段氏久居京津。實力未損。雖有借款誤國之罪。而知者猶渺。又其人夙有廉公之譽。以此自矯飾。語曰。名其爲賊。賊乃可克。或謂叙祺瑞禍國殃民罪狀。爲書以告海內。使知祺瑞執政以來。所貽中國無窮之害。其罪惡實不在袁世凱下。願國人之忠於國者。勿再甘爲賣國者之爪牙。以致遺臭萬年禍及子孫。文多不備錄。自此書流布而後。國人始懷然有悟。由是增段者益少。祺瑞卒以不振。惟是時南方政府。以萬流所匯。黨派日分。權利之爭。託名公義。海軍既敗。龍濟光謀得地盤甚急。而陳炯明孤軍在圍。尤思有所藉藉。余謂此輩持有用之才。棄處一方。易以生亂。不如遣令北伐。既可外事開拓。亦以減少內難。商之廣東督軍莫日初(榮新)。頗贊其策。而委於乘輪。事不果行。由是炯明轉而圖粵。余又嘗與莫會論諸將曰。沈鴻英爲濟林虎皆良將而不見用。劉某任潮汕鎮守使。其人不足恃。莫無以應。但戲謂余曰。部下從公久。受知深。然公知部下。而不知部下之部下耳。相與一笑而罷。是歲八月。率直戰後。段祺瑞去位。余察粵事終無進行之望。藉藉爭權日急。飛書告諭皆不聽。北方知此。更以甘言講和。衆心益懈。陳炯明復有倒戈之說。時楊永泰爲省長。魏邦平爲水陸督軍統領。兩人大唱其廣東人之廣東。以爲內應。人心於是浮動。余知亂機四伏。難於補救。歸思遂切。會江蘇督軍李純。以外患日迫。內爭不已。遣書勸告國人。余遂申李督之意。通電全國宣言引退。以示息爭交讓。自我而始。更以四事呼籲國人。一希望西南各省取消自主。俾南北統一早日告成。二希望北京政府俾即依法召集國會。俾正統克成。無法連續。庶國內澄寧。一致對外。三希望南北軍人。自動擲個裁兵。以免財政破產。四希望京省開誠布公。共圖善後。並協定外交財政實業教育諸種建設大計。以定國是。庶幾九年紛亂。至此告終。民治曙光。重新國始。余亦得扶杖林泉。幸觀盛治云云。此電發後。即日整裝回滬。不復更談政治。

桂系據粵之由
來及其經過

南華之論道也曰不為福先不為禍始感而後應迫
而後動不得已而後起去知其故循天之理旨哉言
乎曩歲西南護法各省憤段氏亂法干紀跋扈囂張
粵桂同仇滇黔響應大聲一呼坤軸震撼洵所謂循
天之理感而應迫而動不得已而後起者掏心可告天
日宣義可泣鬼神循此以往一德一心掃除姦兇真復綱
紀豈不偉哉然而僉王據其扁宵小眩其篋大業未終分
崩離析魯閩蕭牆迹其波瀾之起伏實維陸岑陳莫
輩利令智昏蒼黃及覆盜福先之虛聲冒禍始之巨

昔張其介甯齋卷儉囊壞長城而危大局俯仰陳迹
可痛心也天誘其衷亂庶遘已義旗迴指如湯沃雪卒
使粵中父老撥雲翳而見陽威護法前功由茲不墜千
鈞一髮固係非輕茲者培生先生以南董之筆成榜祝
之編聲罪象姦慝為信史書成徵序於余追維往事百
感輪囷蓋深歎夫福先之不可貪禍始之不可偶也畧弁
數言附諸陽秋之列知罪在所不計云爾

中華民國十年七月一日林森序於羊城



序 二

去歲十月。粵軍既復省城。黃君莫京入督軍署。得桂賊所遺密電本數十冊。雖電文已燬。而底稿存電報局。可以按檢。乃屬李君培生。編次而刊布之。蓋數年來桂賊禍桂禍粵及盜賣西南諸罪狀。悉可於此中尋得之。此將來中華民國史。所必采之資料也。政治之爲物。無政府主義者視爲罪惡。政治家雖不視爲罪惡。亦未嘗不慮其可以爲罪惡。故萬不得已而不能去政治。則政治家非光明純粹之人。不能爲也。民國以來。乃以政治之權託之於官僚與盜賊之手。其爲禍亂。又奚足異。桂賊以殺人放火起家。一行作吏。則曲攀官僚之狀。惟恐不肖。兼盜賊與官僚二者。故世人所不屑爲所不敢爲者。彼皆公然爲之。而無所忌憚。至於廉恥之道。則固彼所視爲大戒者也。讀此編者。見其詭譎殘狠之用心。將爲之毛髮悚然。吾更願於此知政治之不可付託非人。庶民國於是乎有瘳。當亦編者之微意之所存者歟。中華民國十年七月汪兆銘謹撰

序 三

今時國內之大患有二。曰武人。曰官僚。所惡乎武人者。以其壞法亂紀割據稱雄也。所惡乎官僚者。以其營私舞弊殘民以逞也。顧在民國初元。武人與官僚其害猶分。其後乃漸趨於合。始則無武人非官僚。繼更無官僚非武人。其禍國固已甚矣。然其害猶不如桂系禍粵之甚。何則。蓋桂系往往出身盜賊。以盜賊而爲武人。又由盜賊之武人而成爲官僚。其禍國殃民尙堪言哉。當桂系踞粵時。嘗聞粵友曰。粵省較他省尤弗如。督軍賊也。省長賊也。其他機關無往而非賊。奈何。余應之曰。是固然矣。惟問粵人何以容許賊爲督軍及爲省長乎。友人怡然。逮至粵軍返粵。夫然後一除此患。雖然。盜賊之武人官僚不容禍粵。又豈容禍桂乎。自桂系據粵之由來及其經過一書。徧搜桂系罪証表暴於國人。吾知桂人行將共起而驅除之。粵與桂果皆不容禍國殃民官僚武人之存在。吾又知全國之人必且聞風而起矣。則是書願不重哉。是爲序。民國十年七月徐謙

序四

十年七月。李君培生。以桂系據粵之由來及其經過書成。將付梓。乞序于余。余念桂系據粵數年。利吾貨財土地。縱厥黨類。恣行貪暴。慘很不仁。民怨弗恤。使吾父老昆弟。驟然喪其樂生之心。如水益深。日月加甚。我總司令陳公。不忍見吾三千萬人墜于塗炭。中憤憤痛。雪涕與師。當是時。我軍無過八千。寄跡閩漳。給養匱乏。敝衣鷄面。彈械竄惡。敵以數萬之衆。士馬精良。轉輸利便。益以羣島合謀。伎倆百出。強弱之勢。亦既殊矣。然卒能摧其堅銳。所至克捷。未及十旬。收復全土。斯豈人力可爭。實乃天亡桂孽。書不云乎。天視自我民視。又云。民之所欲。天必從之。桂系之敗。以失民也。我軍之勝。以得民也。勝敗之際。而仁暴存焉。蓋昔人之所以戒懼于凶殘。而拳拳于公理正義者。以此。今者。我軍方揚旂濟浦。結壘左江。名城十餘。以次摧陷。土崩之勢已成。益足以徵殘暴者之爲天所棄。鬼謀雖工。終無所逃其罰。茲篇所紀雖陳迹。足以垂誠方來。俾世之挾暴力恣驕橫者。知民嚚之可畏。相率而發敷善性。滋植羣萌。有成美化。則此書之作。其亦有裨于世也乎。馬育航序於廣州。

序五

廣東者。廣東之廣東。亦即中國之廣東。廣東人固不容放棄之。廣東人亦不容私有之。縱今日自治潮流。風起雲湧。然亦注重確定事體所屬之權限。非必注重執行權限之個人。準斯而言。則粵人治粵。故吾人所主張。即非粵人治粵。亦非吾人所必拒也。而茲之李君培生。有桂系據粵之由來及其經過之編輯。暴露桂系種種罪狀者。非排斥粵籍以外之人也。實排斥粵籍以外禍粵以禍國之人也。桂系之主粵政也。余時實在京主持之一人。函電具在。無敢逃罪。蓋其時已痛龍濟光之肆毒。尤恐岑春煊之竊據也。孰知拒虎進狼。禍粵禍國。如原書所列舉而外。而余身受之痛亦較他人爲烈。當陸榮廷六年之進京也。實以開賭爲主眼。余在京與伍秩庸徐因輝諸先生。閉會面詰。卒無形打消。隨與余及胡展堂先生商。以懷集換欽廉。用法律拒而不許。怨毒由此而生。叛督稱兵。張勳復辟。余隨孫總統南返。自大元帥府成立。而桂系名爲自主。實爲開賭之技不能施。始捲入于西南護法之內。如是敢怒而不敢言。而怨毒之積益深。乃殺我金司令。毀我陸軍部。甚至驅我大元帥。以遂其盡佔廣東。投降北方之政策。余時仍留廣東。故當其私造省議長也。私造省長也。余莫不挺身力破其謀。即冀以緩其禍粵禍國之舉。卒使桂系屢挫不振。幾經曲折。而林正煊楊永泰之議長省長始行私生。而余之身因幾不免。及滇軍風潮發生。余主張立即聯合非桂系各軍。共行聲討。卒由陳總司令閩南返旆。驅彼醜類。還我粵疆。永奠民治。復展共和。回顧桂系禍粵禍國之慘狀之陰謀。痛定思痛。又可無此書之編以惕往勉來耶。余爲其受痛之一人已。承李君屬爲之序。故書其所知于右。中華

民國十年七月鄒魯謹序